

Universitätsbibliothek Paderborn

**Commentaria Vetustissima & profundissima Super
Canticvm Canticorvm Salomonis Qvod Hebraice Dicitvr
Sirhasirim**

Wolbero <de Sancto Pantaleone>

Coloniae Agrippinae, 1630

Versvs VII. En lectulum Salomonis sexaginta fortes ambiunt, ex fortißimis
Israel.

urn:nbn:de:hbz:466:1-10027

- Psal. 21.* ego sum vermis & non homo, & cum in
1. Reg. alio loco, canem se mortuum & puli-
26. 24. cem commemorabat, & in Psalmo di-
Psal. 105. citur Moyses stetisse, in confractione in
conspicere Dei, ut auerteret iram eius.
Quanta enim contritione spiritus & compassionis virtute conte-
rebatur, quando pro peccato po-
puli orans dicebat ad Deum, aut
Exod. 32. dimitte eis hanc noxam, aut si non facis,
dele me de libro tuo quem scripsisti:
Paulus quoque humilitatis deie-
ctione comminutus, minimum se A-
postolorum nominat, pietatis au-
tem & compassionis confractio-
ne contritus, optat pro fratribus ana-
2. Cor. 15. thema fieri.

Ascensus autem iste sicut vir-
gula fumi fuisse dicitur; fumus autem
cum ascendit, ita paulatim ascen-
dendo deficit, ut omnino videri non
possit; quia tanta est in sanctis con-
templatiæ vitæ subtilitas tanta
sanctæ conuersationis per deser-
tum intimæ solitudinis sublimitas,
ut magis effugiat animos demiri-
rantium, quam teneatur considera-
tione imitari cupientium, ut dum
comprehendere sequendo non
præualet, in ipsa sui consideratione
deficiat.

VERSUS VII.

*En lectulum Salomonis sexaginta
fortes ambiunt, ex fortissimis Israel.*

Non repugnat ut reor rationi,
si lectulum Salomonis huius

tripliciter accipiamus, siue vniuer- Lectulus
salem Ecclesiam, siue sancti cuius- Salomonis
tripliciter
que animam, siue sanctam vtrius- accipitur.
que testamenti scripturam, non
quod locis comprehendatur, qui
incircumspectus est, sed quod gra-
tiarum & salutarium effectuum
concessio & conseruatio sit ipsius
in aliquo supradictorum, saluans,
custodiens, & gubernans requie-
tio.

Ecclesia nempè vniuersalis hu- Quomodo
ius Salomonis, id est, veri pacifici per lectulu
nostri Domini Iesu Christi lectulus
est, quia in ea requiescit per saluti- Salomonis
feram mandatorum suorum obser- vniuersalis
uantiam, & viuificatricem Sacra- Ecclesia
mentorum suorum concorpore- intelligatur.
ationem, quam ei exhibet sub spe-
cie sacramentalium rerum, pacifi-
cans ea, quæ in cœlo & in terra sunt,
ut fiat quasi una res publica huius
magnifici Imperatoris, una videlicet Ecclesia, & quæ gaudet in pa-
tria, & quæ adhuc peregrinatur in
terra. *Caput enim Ecclesiae Christus, ipsa
verò corpus Christi:* & sicut corpus si-
ne capite non vivit, nec aliquid po-
test; & sicut caput non est vitale si-
ne corpore, sic & Christus nulli
confert vitam sine unitate corporis
Ecclesiae. Vnum ergo sunt Christus Christus
& Ecclesia, quia cum caput à cor- capiti, &
pore suo sit indiuisum, quisquis pa- Ecclesia
cem & unitatem Ecclesiae non ha- corpori
bet, nec Christum habet: vnde & compara-
in ipso sacramento Sacramen- tur.
torum corpore scilicet & sanguine
Christi, capiti corpus, hoc est
R Christo

Ioh.6.

Christo Ecclesia cōsacramētalis, & oncorporalis efficitur: suo & illius mysterio, quando mysterium Christi in veritate corporis sui sumptum nulli prodest, nisi mysterium Ecclesiae, societatem scilicet Ecclesiasticam eodem sacramento assumpserit; quia cum, sicut diximus Christus à corpore suo, hoc est Ecclesia sit indiuisus; in Sacramento suo idem Christus veraciter sumi non dicitur, nisi sumatur vniuersus suo & Ecclesiae mysterio eidem Ecclesiae corporatus: ipse enim dicit, qui manducat carnem meam & babit sanguinem meum, in me manet & ego in eo.

Vbi ergo magis requiescit Christus quam in Ecclesia, quæ quotidie corpori & sanguini eius participando ipsi concorporatur & quasi vnum efficitur? vnde qui se ab unitate Ecclesiae male vivendo vel prauè docendo præcident, quia in Ecclesiâ non manent, cum Christus & Ecclesia vnum sint, in Christo non manent, atq; ideo cum corpori eius participant, sumunt quidem eum in veritate substantiæ, sed non sumunt ad effectum salutis suæ. Hoc enim est eum non veraciter sumere, quia non sumitur vniuersus, quoniam quidem cum in altari, Ecclesia, ut dictum est, oncorporalis & consacramentalis sit Christo, vniuersum corpus Christi, caput scilicet cum membris non sumit, qui cum extra Ecclesiam sit, se ipsum

Quid sit ve-
raciter &
vniuersus
Christum
sumere.

Christo & Ecclesiae in vtriusq; sacramento non vnitur. Sumit quidem ipsum sacramentum secundum essentiam sui, quod aliquibus Aliud est
ad vitam, aliquibus ad exitium sacramenti, prouenit; virtuté verò & rem sacramenti non sumit, quia cum hæc participare. Aliud rem
sacramenti virtus & res sacramenti, vt inui-
cēm se diligendo, de unitate cor-
poris Ecclesiae sint, quicunq; de eo
participantur, quod nulli ad exitium, sed omni credenti proficit ad
salutem, quicunq; tantæ societatis
conformante & vniante Christo,
verè participes non fuerint. Christum veraciter non sumit, dum nō
ad salutem suī, sed ad iudicium, su-
mire comprobetur: nam cum ipse Matth. 5.
Christus præcipiat dicens, si offers
munus tuum ad altare, & ibi recordatus
fueris, quia frater tuus habet aliquid ad-
uersum te, relinque ibi munus tuum ante
altare, & vade prius reconciliari fratri
tuo, & tunc veniens offeres munus tuum,
ostendit, munus non accipendum,
vbi offerentis animus vinculum
pacis & charitatis non habuerit.
Quod si hæc vnitas, singulariter
inter commembra non conseruata,
offerentium munera repellit, quanto
magis totius corporis Ecclesiae
vnitatem deserens, nec munus of-
ferre, nec oblato participari poterit?

Sed lectulus iste est Salomonis, id Salomon
est pacifici qui dixit, pacem meā do vo- pacificus
paciens, pacem relinquo vobis, confœde- interpréta-
rantis quæ in cœlo sunt & in terra, Ioh. 14.
quia cum vnum sit corpus Christi
Ecclesia, quæ partim in cœlo cum
Chri-

Christo regnat , partim adhuc peregrinatur in corpore, quicunq; ab unitate huius peregrinae partis recedit, illius superne partis confortium non meretur, quoniamquidem cū vnum sint secundum virtutem & rem Sacramenti , hoc est Ecclesiasticae unitatis, quamuis nondum uno loco , ita tamen iunguntur spiritu , vt quisquis vnam non habet , alteram non habeat. Vnde in lectulo isto huius pacifici, hoc est in Ecclesia , in qua adhuc Christus per Sacramentorum velamina requiescit; quisquis per penitentiam amissam receperit unitatem , illi quoque quæ in supernis est sociari meretur, illo veniente, & rem corporante , qui reconciliauit nos Deo per sanguinem suum.

*Per lectulū
Salomonis
vniuersitatis
que anima
gnatur.
Sap.7.*

*Sancti quoque cuiusque anima lectulus est huius veri pacifici nostri,
quia cum anima iusti dicatur se-
quoque si-
des sapientie, ibi nimur suauiter
quiescit Deus, vbi sapienter, ratio-
nabiliter, & honeste, ipsa sapientia
gubernante eiusdem requietionis
disponitur locus; vbi mens per gra-
tiam ita Deo copulatur, vt cum eo
vnu spiritus efficiatur, cuius unitatis
Sacramentum, omnem confert
salutis effectum, sicut ipse saluator
dicit, qui manet in me, & ego in eo,
hic fert fructum multum, quia sine me
nihil potestis facere. Cum enim ad
omnem bonitatis & disciplinæ
fructum mens impotens sit sine
cooperante gratia , tantum huius
coniunctionis ei confertur virtus,*

vt cum omnipotens sit, cui per vni-
tatem spiritus copulatur, omnipotens quoque & ipsa per gratiam
efficiatur, sicut ipse dicit, *omnia pos-
sibilia credenti.* Si enim Sancti Deo *Marc. 9.*
coniuncti Dij dicuntur , ille qui-
dem essentialiter, isti verò nunci-
patiuè, non videtur inconsequens, *Deus San-*
Deus, San-
*ti nunci-
patiuè Dij*
vt cum omnipotenti per unitatis
Sacramentum concorponentur, o-
mnipotentiæ quoque eius quo-
dam suo modo participes efficiantur, qui possint cum Apostolo dice-
re, *omnia nobis cum illo donauit:* nam *Rom. 8.*
quibus omnia cum illo donauit,
quando omnipotentem non ha-
bent , nihil est quod in ipso & per
ipsum non possint. Sed talis mens
lectulus determinatē dicitur Sal-
uatoris, id est pacifici, quia vbiunque
iste pacificus per gratiæ suæ di-
gnationem quieverit & mansio-
nem fecerit omnis sopitum carnalis
affectionis spiritui repugnans ad-
uersitas.

*Per lectulū
item Salo-
monis di-
uinæ scri-
ptura acci-
pi potest.*

Porrò lectulus iste Salomonis huius, diuina quoque non absurdè accipitur scriptura, quia in ea Christus requie- scit per præceptorum suorum do- cumenta & virtutum exempla , vbi prædicatur huius pacifici testa- mentum , quod in morte sua con- firmauit, videlicet pacis & dilectionis præceptum , cum dicit, *mandatum Ioann. 13.*
nouum do vobis, vt diligatis iniicem
sicut dlexi vos; Cuius dilectionis plenitudo gemina constat relatio- ne Dei videlicet & proximi , in qua *Matt. 22.*
tota lex penderet & Propheta, quain quia tota

tora vtriusq; testamenti continet pagina, quæ nihil vtile vel honestum absq; ea discernit; non immrito sacra scriptura huius pacifici lectulus nuncupari potest. Ibi enim à legente & in ea meditante inuenitur Christus, ibi potest intelligere, quid credere, quid sperare, quid amare debeat, & hanc triplicem virtutem habere, Deum est habere, ad quem aeternali-
ter habendum, fide, spe, charitate, dicitur & confirmatur. Ibi Christus latens & quasi quiescens agnoscitur & suscitatur, quia in mentibus legentis postquam intelligitur, si fidei & bonorum operum gressibus animus mouetur, quasi Christus quiescens suscitatur. In Evangelio namq; scriptum est, *quod Christus in fractione panis est agnitus, qui in formâ peregrini latebat*, quia scriptura diuina quæ est cœlestis ille & viuus panis Christus non intelligentibus peregrina est, sed cum fuerit per expositionis confractiōnē distributa, Christus qui in eâ latebat, intelligentis mente agnoscitur.

Sed videndum quid sit, quod hunc Lectulum pacifici huius dicuntur ambire sexaginta fortis, ex fortissimis Israel, omnes tenentes gladios & ad bella doctissimi. Multi enim hunc lectulum dissipare, & istum pacificum auferre conatis sunt; quidam vanis & irreligiosis cultibus, quidam peruersis moribus, nonnulli prauorum dogmatum erroribus, quibus isti fortis fortissimè restiterunt

Per fortissimos in Israel qui lectulum Salomonis ambient.

factis, dictis, & scriptis, tenentes & contra hostes eius
gladios verbi Dei, & ad huiusmodi tueruntur hostes debellandos doctissimi, primo quidem sancti Apostoli atq; Apostoli, Martires & postolici viri, deinde sancti sacerdotes, qui omnes significantur. fuerunt ex fortissimis mente Deum videntium, & ex ipso invictæ fortitudinis robur trahentium, suo quoq; tempore & loco hunc lectulum ambientes & custodientes, non quod ipsi huic pacifico necessarij fuerint, sed quod ipse eis admodum necessarius fuerit quem timabant amittere malorum peruersitate, qui fidem Catholicam subuertere omnimodis laborabant.

Cur autem istorum fortium, siue fortissimorum numerositas sexagenario numero determinatur? Cur lectulum Salomonis ambo non enim nihil rationis habet ut cum istorum fortium innumerabilis fuerit multitudo, isto numero finito comprehendatur: poterat quidem esse, ut ille realis Salomon plures haberet sui corporis custodes, vel rerum suarum diuersis in locis repositarum, suis quoque officijs certos & designatos tutores, sed cum tantam ei pacem Deus concederit, ut nulla eius tempore bella mouerentur, mirum videtur si iuxta literam accipieendum est, cur solo eius corpori custodiendotor fortis deputati erant. Verum qui magis haec ad spiritualem sensum referri ratio postulat, videamus quid iste numerus

sexaginta

Sexagenarius innuat. Sexagenarius namque ex senario & denario altero per alterutrum multiplicato componitur: Senarius autem qui partibus suis insimul collectis nec minuitur nec distenditur perfectionem significare dicitur: Denarius vero qui ex quinario bis ducto componitur Decalogū legis insinuat, pro quo obseruato vel contempto propter quinq; sensus corporis, quorum officio siue ad bonū siue ad malum mens ducitur, universitas hominum, in decem Virginum quinq; prudentium & fatuarum ordine, vel remuneratur vel damnatur. Senarius autem qui perfectionē significat, & Denarius qui decalogum demonstrat, inuicem se multiplicates & sexagenarium perficientes ostendunt istos sexaginta fortis, ita perfectè in diuinis præceptis custodiendis sensus suos exterioris aptasse, ut merito in quinq; prudentium forte computentur.

Solent autem hi qui Arithmeticae artis scientiam habent, talē numerum ut sunt sexaginta dicere superfluum, qui cum sint quidam numeri qui ita partium suarum collectione æquantur, vt nec minus nec maius toto corpore recipiant, atq; ideo perfecti dicantur, quidam quia suarum partium compositione toto corpore minus reponunt diminuti nuncupētur isti qui partibus proprijs insimul collectis totū corpus aliqua numerositate, transcendent, superflui appellantur. Sed

nos qui hunc numerum fortium i- storum in bonam referimus partem, transcisionem istam non su- persfluitatem, sed spiritualis lucri quod de virtute ad virtutem profi- cit incrementum accipere debe- mus, vt dicamus fortis istos in cre- ditis sibi quinq; sensuum talentis, ita magnifice operatos fuisse pro sui ex proximorum utilitate, vt stu- dio illorum in bonis operibus sem- per augmentum capiente, de forti- bus fortissimi efficerentur.

Videamus autem quid huius numeri sexagenarij partes appor- tent, vt cognoscere possimus, vtrū ad istorum Christi fortium perfe- ctiōnem pertineant. Sexagenarij i- gitur numeri altera pars sunt tri- partes quid apportent. Sexagenarij i- ginta, tertia viginti, quarta quin- decim, quinta duodecim, sexta de- cē, decima sex, duodecima quinq;, quinta decima quatuor, vicefima tres, tricesima duo, sexagesimavnu: Quæ partes simul collecta centum & octo complent, totum corpus sexagenarij quadragesimo octa- no numero transcendent. Quæ est autem omnium perfectorum remuneratio, nisi omnis laboris eo- rum centupliciter melior recom- pensatio in futurā regeneratione quando in corporum immortalita- tem renascentur ad illam vitam o- etauæ ætatis quæ nūquam finietur?

Benè ergo istorum fortium siue fortissimorū collectio sexagenario cōprehēditur numero, cuius partes in ynum redactæ, in centum & octo

R 3 exref-

Senarius
& denari-
us nume-
rus quid si-
gnificant.

Sexagenarij nume-
rus secun-
dum Arith-
meticos
superfluous
est, hoc
loco pro
perfecto
accipitur
spirituali-
ter.

Numerus
centenari-
us & octau-
us quid
figuret.

excrescunt, ut non hoc ad superfluitatem, sed ad virtutum referamus, augmentationem, quando recte agendo & docendo, sui & aliorum lucrati sunt profectum, pro quo consequentur perfectam beatitudinem, quæ centenario numero designatur, & in octaua, ut diximus, ætate sine fine mansura complebitur.

VERSUS VIII.

Omnis tenentes gladios, & ad bella doctissimi: vniuersijsq; ensis super femur suum propter timores nocturnos.

Cur sexaginta fortes ex for-
tissimis Israel, lectulum Salomo-
nis ambientes quid faciunt? omnes,

inquit, tenentes gladios, & ad bella doctissimi: non dicit habentes, sed tenentes, quia potuerunt quidem habere secreto, quodam animæ scientis & intelligentis repositorio, sed non tenere publico quodam prædicantis voce & opere gestatorio. tenent ergo gladios, quia semper parata gestant sententiarum & actionū documenta, quibus videntes & audiētes ad spiritualia instruant certamina, sed quid sunt isti gladij nisi sermones Dei; verus est enim sermo Dei; & efficax, & pene trabilior omni gladio ancipiti, & pertingens usq; ad diuisionem animæ, compagum quoq; & medullarum & discretor cogitationum: huiusmodi enim gladium diuidentem & separantem, misit Deus in terram, quando venit separare

Gladij ser-
mones Dei
funt.

Hebr. 4.

hominum aduersus Matrem suam, & Matt. 10.
nurum aduersus socrum suam, & ini-
mici hominis domestici eius. Hoc ni-
mirum gladio sermonis Dei, quo
præcipitur fieri separatio & omni-
moda discretio inter bonū & ma-
lum, inter virtutes & vitia debent
vti incliti bellatores Dei, quibus
propositum est huius pacifici lectu-
lum ambire doctrina & operatio-
ne, siue hunc lectulum ad Ecclesi-
am referamus, siue ad propriam
cuiusq; sancti mentem, in qua di-
uinitas, gratiæ suæ dignatione re-
quiescere creditur, quatenus utro-
biq; & Ecclesiam ab infidelium de-
fendat prauitate, & seipso à mali-
gnorum spirituum suggestione vel
deceptione tucantur.

Quæ vero sunt bella in quibus tales debet dimicare, & ad quæ doctissimi memoratur? profectò vir-
tutum & vitiorum magnalis & dis-
cordia, ubi in causa est repugnantia
duorum sibi aduersantium videli-
cet carnis & spiritus, caro enim con-
cupiscit aduersus spiritum, spiritus autē Gal. 5.
aduersus carnem. Et recte non ad bel-
lum sed plurali numero ad bella doctissimi prædicantur, quia aliud
est bellum humilitatis cōtra super-
biā, aliud castitatis contra libidi-
nem, aliud patientiæ contra iram, a-
liud obedientiæ contra contumaci-
am, aliud sobrietatis contra luxuri-
am, aliud auaritiae contra liberali-
tatem, vel si cuius virtutis, quæ sibi
opposito reluctatur vitio, ad quæ
bella feliciter peragenda, isti sexa-
ginta